

Yenjö ba dhiil nyic na cî mênhdie cop (nê thukulic)?

Awereŋ de wêl nyuuth mēdhiēth/dumuk

Yenjö yenē cup?

Cup e tē cî bāny de thukul ku Bāny, Akutnhom Ŋjäär de Piöc ye lēk mēnh de thukul mēnē ke yen abī dhiil jāl nē thukulic ku acī bī bæŋ lo dhuk. Cup e wēt rilic. Thukuldu abī kēriēēc ebēn looi bī mēnhdu kuony ke kuum de cup kēnē guo looi.

Bāāny ke thukuul aa lēu bikkē mīth ke thukul cop nē kāŋ kerou:

- Mīth ke thukul nyooth duciēēk nōŋic kâ ke diēŋ ril yīc arēēt ku ajuir e ke cî ke looi benē ke duciēŋden luoi thīn aa kēn luui.
- Mīth ke thukul aa ye runken 17 ku aa ke liu nē kaam e looiē piöc thīn.

Bāāny ke thukuul aa bī tak nē dhöl cî thukul piöc de mēnhdu kuony nē dhöl nōŋ yīc kâken wīc keek ku nyickē mēnē ke kâ wīc meth keek ku tē e bī yen thīn aa ŋot e kek kēn ku-um de cup guo looi.

Tē ŋoot cup ke kēn tuöl, ke bāny de thukul abī jam kenē yīin bī yīin cōk nyic mēnē ke yeen aye tak ke bī mēnhdu cop. Yeen abī wēt cî gāt piny nē kē de cup tō ke bī looi ku bī yīin wenē mēnhdu caal amatic bī kâ cî meth ke wuöc lueel ku bī jam nē kē bī tuöl na bikkē mēnhdu cop. Yīn lēu ba [raan de kuony](#) bēi kenē yīin tē de amat. Raan de kuony alēu bī yīin ku/ka mēnhdu kuony nē kâ ke duöt de piöu ka nē kâ bī keek looi.

Tē cenē jöōny de lōŋ cî göt lo ke yīn bī naŋ nīn kedherou luui thukul ke thīn ba kē ye tak ye kâ cīt ŋō ke bī mēnhdu cīe dhiil nē cup nē thukulic lueel. Bāny de thukul abī kē ca lueel kān lööm ke ye biäk de kâ benē ke kuum looi.

Yenjö ye tuöl na cî mênhdie cop?

Bāny de thukul ku Bāny tōŋ de Akutnhom Ŋjäär de Piöc aa bī mat etōk na bī mēnh de thukul cop. Nē kaam de theŋ ke 24 yīc e ke kuumē ke yeen bī mēnh de thukul cop thīn, bāny de thukul abī dhiil lēk mēnh de thukul ku mēdhiēthke ka dumuuk ku lēkkē thok Dîpäätmén de Piöc de NSW.

Na tō mēnhdu ke kēn runke 17 dööt ku cî cop nē wēt de duciēŋde, ke bāny de thukul abī thukul yam ka tē dēt peei yök nē kaam de nīn ke 15 yīc bī yen piöcde lo kuany cōk thīn.

Na tō mēnhdu ke wēŋ e runke 17, yīin ku mēnhdu wek bī dhiil wīc nē kâ kōk bī wek ke loc thīn ago mēnhdu ŋot ke piöc ka bī luoi lo wīc.

Ye wêl ke lēk yīndī ba keek yök enōŋ thukul?

Yīn lēu ba thukul thiēc wêl kōk ke lēk jam nē kē cî tuöl ku yenjö (yen cî tuöl). Thukul abī lēk yīin guööt de kâ cî keek lueel bī keek looi ku yenjö yenē luuiē keek, kâ bī tuöl ku yenjö ba looi na nōŋ kē dhal yīin.

Lēu ba kuum de cup dhuum?

E yeen, na ye gam mēnē ke kuum cî bāny de thukul ku Bāny Thēŋp Luoi, Akutnhom Ŋjäär de Piöc looi acī wuöc, ka keek aa kēn löōŋ kuany cōk (biöth) ka kuum cî looi acīe yic. Tīŋ [Wêl Jam nē kâ ke Dhum](#).

Wêl ke lēk nē [jam de kuony nē biäk de mēnhdu](#) aa tō, agut cī [Lōŋ Mac Kōmionitī de Thukul](#) ye jam nē dhöl yenē ke jam kenē thukuul.

Lēu ba guel looi yadī?

Na nōŋ kâ diir yīin nē kuum de cup, kâ ke kuum cī keek looi ka kuony ye yök, ke yī tīŋ webthait nē wêl ke lēk nē [luoi de guel](#).

Ajuieŋ de wēŋ de thok nē telepuun

Na wīc ba jam wenē thukul ku wīc kuony nē jam nē Thorŋ de Līŋliith, ke yī cōl raan lui nē ajuieŋ de wēŋ de thok tō 131 450, ku lēkkē yeen thorŋ wīc bī yīn jam ku thiēc raan lui nē telepuun bī thukul yuöp. Raan lui nē telepuun abī raan de wēŋ de thok bēi nē laanyic bī yīin kuony nē jamdu. Acīn wēu bī keek thiēc yīin nē ye ajuieŋ kān.